



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Canones.

urn:nbn:de:hbz:466:1-15072

CANONES
CONCILII ANTIOCHENI.ANNO
CHRISTI
341.

Ex interpretatione Dionysii Exigui.

TITVL CANONVM.

- I. *De his, qui contra gerunt his, que regulariter de pascha statuta sunt in Niceno Concilio.*
- II. *De his, qui se a perceptione sanctae communionis auertunt, & qui excommunicatis per domos communicant.*
- III. *De his, qui ab alia parochia, preter conscientiam episcoporum suorum, in aliis immorantur.*
- IV. *De damnatis, & ministrare tentantibus.*
- V. *De his, qui se a ministerio ecclesiastico subtrahunt, & seorsum colligunt.*
- VI. *De clericis excommunicatis, & laicis.*
- VII. *De peregrinorum susceptione.*
- VIII. *De pacificis peregrinorum, id est, commendatissimis literis.*
- IX. *De metropolitanis singularum prouinciarum.*
- X. *De his qui vocantur chorepiscopi.*
- XI. *De episcopis & clericis adeuntibus imperatorem.*
- XII. *De damnatis episcopis aut clericis, & adeuntibus imperatorem.*
- XIII. *De his, qui, cum sint ex alia prouincia, in aliis audent ordinaciones efficere.*
- XIV. *De dissensione, que super epis coporum diiudicatione continentur, appellantium prouinciales antistites.*
- XV. *De episcopis, ab eiusdem prouincia sacerdotibus consonanter exclusis.*
- XVI. *De vacantibus episcopis.*
- XVII. *De his, qui cum ad episcopatum conuocantur, evitant.*
- XVIII. *De his, qui promouentur ad episcopatum, nec recipiunt.*
- XIX. *De episcopalibus in prouincius ordinationibus.*
- XX. *De Synodis, que debent ab episcopis, suis temporibus in prouincias celebrari.*
- XXI. *Vt nullo modo episcopus de parochia in aliam parochiam transeat.*
- XXII. *Vt in altera parochia clericos alterius parochiae episcopus nullatenus ordinet.*
- XXIII. *Vt nullum ad episcopatum pro se constituat promouendum.*
- XXIV. *De rebus ad ecclesiam pertinentibus, & de his que propria episcopi esse noscuntur.*
- XXV. *Vt episcopus dispensandis res ecclesiasticas habeat potestatem.*

CANONES.

I.

OMNES, qui ausi fuerint dissoluere diffinitio nem sancti & magni Concilii quod apud Nicæam congregatum est sub præsentia piissimi & venerandi principis Constantini, de salutifera solennitate sacratissimi paschæ, excommunicandos,

PP.
N I. ANNO CHRISTI 341. IVLIVS P. I. ANTIOCHENVM. CONSTANTIVS & CONSTANS IMP. 653

& de ecclesia pellendos esse censemus, si tamen contentiosius aduersus ea quæ bene sunt decreta persistent: & hæc quidem de laicis dicta sint. Si quis autem eorum, qui præesse noscuntur ecclesiæ, aut episcopus, aut presbyter, aut diaconus, post hanc definitionem tentauerit, ad subuersiōnem populi, ecclesiārumque perturbationem, seorsum colligere, & cum Iudæis pascha celebrare: sancta Synodus hunc alienum iam hinc ab ecclesia iudicauit, quod non solum sibi, sed & plurimis causa corruptionis & perturbationis extiterit. Nec solum tales a ministerio remouet, sed etiam illos, qui post damnationem huiusmodi communicare tentauerint, damnatos autem, omni quoque extrinsecus honore priuari, quem sancta regula & sacerdotium Dei promeruit.

II.

Omnes, qui ingrediuntur ecclesiam Dei, & scripturas sacras audiunt, nec communicant in oratione cum populo, sed pro quadam intēperantia seu a perceptione sanctæ communionis auertunt, hi de ecclesia remoueantur, quamdiu per confessionem pœnitentiæ fructus ostendant, & precibus indulgentiam consequantur. Cum excommunicatis autem non licere cōmunicare, nec cum his, qui per domos conueniunt, deuitantes orationes ecclesiæ, simul orandum est: ab alia quoque ecclesia non suscipiendum, qui in alia minime congregatur. Si quis autem de episcopis, aut presbyteris, vel diaconis, seu quilibet ex clero, deprehensus fuerit cum excommunicatis communicare, etiam iste priuetur communione, tamquam qui regulam confundat ecclesiæ.

In decret.
Iulonis lib. 5.

Nnnn ij

Si quis presbyter, aut diaconus, & omnino quilibet ex clero, parochiam propriam deserens, ad aliam properauerit, vel omnino demigrans, in alia parochia per multa tempora nititur immorari, vterius ibidem non ministret, maxime si vocanti suo episcopo, & regredi ad propriam parochiam commonet, obedire contempserit. Quod si in hac indiscipline perdurat, a ministerio modis omnibus remoueatur, ita ut nequaquam locum restitutionis inueniat. Si vero pro hac causa damnatum alter episcopus suscipiat, hic etiam a communi coeretur Synodo, velut qui ecclesiastica constituta dissoluat. IV.

II. q. 4. Si
quis episco-
pus damna-
tus.

Si quis episcopus damnatus a Synodo, vel presbyter, aut diaconus a suo episcopo, ausi fuerint aliquid de ministerio sacro contingere, siue episcopus iuxta præcedentem consuetudinem, siue presbyter, aut diaconus; nullo modo liceat ei, nec in alia Synodo restitutionis spem, aut locum habere satisfactionis, sed communicantes ei omnes abiici de ecclesia, & maxime, si posteaquam didicerint aduersum memoratos prolatam fuisse sententiam, eisdem communicare tentauerint. V.

Si quis presbyter aut diaconus episcopum proprium contemnens, se ab ecclesia sequestravit, & seorsum colligens altare constituit, & commonenti episcopo non acquieuerit, nec consentire vel obedere voluerit semel & iterum conuocanti, hic damnetur omni modo, nec ultra remedium consequatur, quia suam recipere non potest dignitatem.

APP.
A.D.
CIRCA
341.

IULIVS P. I. ANTIOCHENVM. CONSTANTIVS & CONSTANS IMP. 655

Quod si ecclesiam conturbare & solicitare persifstat , tamquam seditiosus , per potestates extereras opprimatur.

VI.

Si quis a proprio episcopo communione priuatut est , non ante suscipiatur ab aliis , quam suo reconcilietur episcopo , aut certe ad Synodum , quæ congregatur , occurrens pro se satisfaciat , & persuadens Concilio , sententiam suscipiat alteram . Hæc autem definitio maneat circa laicos & presbyteros & diaconos , omnesque , qui sub regula esse monstrantur.

VII.

Nullus peregrinorum sine pacificis , id est , commendatitiis , suscipiatur epistolis.

VIII.

Presbyteri , qui sunt in agris , canonicas epistolas dare non possunt : ad solos tantum vicinos episcopos literas destinabunt . Chorescopi autem , qui sunt irreprehensibiles , dare possunt pacificas , id est , generales epistolas.

IX.

Per singulas regiones episcopos conuenit nosse , metropolitanū episcopum solicitudinem totius provinciæ gerere . Propter quod ad metropolim omnes vndique , qui negotia videntur habere , concurrant . Vnde placuit , eum & honore præcellere , & nihil amplius præter eum ceteros episcopos agere , secundum antiquam a patribus nostris regulam constitutam , nisi ea tantū , quæ ad suam diœcesim pertinent , possessionesque subiectas . Vnusquisque enim episcopus habeat suæ parochiæ potestatē , vt regat iuxta reuerentia singulis competentem , & prouidentiam gerat omnis possessionis , quæ sub eius est potestate ,

o quili-
d aliam
a paro-
vterius
uo epi-
ommo-
c indi-
omni-
restitu-
tum al-
i coer-
stituta

resby-
aliquid
s iuxta
er , aut
ynodo
ionis ,
sia , &
m me-
com-
n pro-
uit , &
onenti
el obe-
dam-
equa-
atem.

656 <sup>IULIVS
P. I.</sup> CONCILIVM <sup>CONSTANTIVS
CONSTANS</sup> } IMP. P.

ita vt presbyteros & diaconos ordinet, & singula
suo iudicio comprehendat. Amplius autem nihil
ageretentet præter antistitem metropolitanum, nec
metropolitanus sine ceterorum gerat consilio fa-
cerdotum. X.

Qui in vicis vel possessionibus chorepiscopi nomi-
nantur, quamvis manus impositione episcoporum
perceperint, & vt episcopi consecrati sint, tamen
sanctæ Synodo placuit, vt modum proprium rec-
ognoscant, vt gubernent sibi subiectas ecclesias, ea-
rumque moderamine curaque contenti sint. Ordin-
ent etiā lectores, & subdiaconos, atque exorcistas,
quibus promotiones istae sufficient. Nec presbyte-
rum vero, nec diaconum audeant ordinare, præter
ciuitatis episcopum, cui ipse cum possessione subie-
ctus est. Si quis autem transgredi statuta tentauerit,
depositus, quo vtebatur honore priuetur. Chor-
episcopum vero ciuitatis episcopus ordinet, cui ille
subiectus est. XI.

Si quis episcopus, aut presbyter, aut quilibet regu-
læ subiectus ecclesiæ, Concilium & literas episcopo-
rum prouincia, & præcipue metropolitani, adierit
imperatorē, hunc reprobari & abiici oportere, non
solum a communione, verum & ab honore, cuius
particeps videtur existere, quia venerandi principis
auribus molestiam tentauit inferre contra leges ec-
clesiæ. Si igitur adire principem necessaria causa de-
poscit, hoc agatur cum tractatu & consilio metro-
politani, & ceterorum episcoporum, qui in eadem
prouincia commorantur, qui etiam proficisci-
tem suis prosequantur epistolis.

XII.

PP.
ngula
nihil
m, nec
io fa.
nomi-
porum
tamen
n reco-
as, ea-
Ordin-
cristas,
sbyte-
oräter
subie-
auerit,
Chor-
cui ille
regu-
copo-
dierit
e, non
cuius
incipis
ges ec-
nsa de-
metro-
radem
ifcen-

XII.

ANNO
CHRISTI
341.

IULIVS P. L. ANTIOCHENVM. CONSTANTIVS^S CONSTANS^S IMP. 657

XII.

Si quis a proprio episcopo presbyter aut diaconus, aut a Synodo fuerit episcopus forte damnatus, & imperatoris auribus molestus extiterit, oporteat ad maius episcoporum conuerti Concilium, & quæ putauerint habere iusta, plurimis episcopis suggesterant, eorumque discussiones ac iudicia præstolentur. Si vero hæc paruipendentes molesti fuerint imperatori, hos nulla venia dignos esse, nec locum satisfactionis habere, nec spem futuræ restitutionis penitus opperiri diiudicamus.

II. q. 5. Si
quis a pro-
prio epi-
scopo.

XIII.

Nullus episcopus ex alia prouincia audeat ad aliam transgredi, & ad promotionem ministerii aliquos in ecclesiis ordinare, licet consensum videantur præbere nonnulli, nisi literis tam metropolitani quam ceterorum qui cum eo sunt episcoporum rogatus adueniat, & sic ad actionem ordinationis accedat. Si vero nullo vocante, inordinato more deproperet super aliquibus ordinacionibus & ecclesiasticis negotiis, ad eum non pertinentibus, componendis; irrita quidem quæ ab eo geruntur existant, ipse vero incompositi motus sui & irrationabilis audaciae subeat vltionem, ex hoc iam damnatus a sancto Concilio.

XIV.

Si quis episcopus de certis criminibus iudicetur, & contingat de eo comprouinciales episcopos disfidere, cum iudicatus ab aliis innocens creditur, reus ab aliis existimatur, pro totius huius ambi-

Concil. Tom. 2.

Oooo

658 IULIVS CONSTANTIVS CONCILIVM CONSTANS IMP.

guitatis absolutione , sanctæ Synodo placuit vt me-
tropolitanus episcopus a vicina prouincia iudices
alios conuocet , qui controuersiam tollant , vt per
eos , simul & per comprouinciales episcopos , quod
iustum visum fuerit approbetur.

ANNO
CHRISTI
341.

X V .

Si quis episcopus , de certis criminibus accusatus ,
condemnetur ab omnibus episcopis eiusdem pro-
uinciae , cunctique consonanter eamdem contra
eum formam decreti protulerint , hunc apud alios
nullo modo iudicari , sed firmam concordantium
episcoporum prouinciae manere sententiam.

X VI .

Si quis episcopus vacans in ecclesiam vacantem
prosiliat , sedemque peruadat , absque integro per-
fectoque Concilio , hic abiiciatur necesse est , etsi
cunctus populus , quem diripuit , eum habere de-
legerit . Perfectum vero Concilium illud est , vbi
interfuerit metropolitanus antistes .

X VII .

Dist. 92. Si
quis epi-
scopus per
manus.

Si quis episcopus per manus impositionem epi-
scopatum acceperit , & præesse populo constitu-
tus , ministerium subire neglexerit , nec acquieue-
rit ire ad ecclesiam sibi commissam , hunc oportet
communione priuari , donec susceperit coactus of-
ficium , aut certe de eo aliquid integra decreuerit
eiusdem prouinciae Synodus sacerdotum .

X VIII .

Si quis episcopus ordinatus , ad parochiam mi-
nime , cui est electus , accesserit , non suo vitio , sed
quod eum aut populus * vitet , aut propter aliam *

veter.

M P P.
vt me-
udices
vt per
, quod

cufatus,
m pro-
contra
ud alios
antium

cantem
ro per-
st , et si
ere de-
t , vbi

m epi-
nstitu-
quieue-
portet
tus of-
reuerit

m mi-
io, sed
; aliam * ^{vett.}

IULIVS
P. I. ANTIOCHENVM. CONSTANTIVS
CONSTANS IMP. 659

ANNO
CHRISTI
341. causam , non tamen eius vitio perpetratam : hic &
honoris sit & ministerii particeps , dummodo nil
molestus ecclesiæ rebus existat, vbi ministrare cog-
noscurit. Quem etiam obseruare conueniet, quid-
quid Synodus perfecta prouinciaæ quod visum fue-
rit iudicando decreuerit.

XIX.

Episcopus præter Synodum & præsentiam me-
tropolitani nullatenus ordinetur. Hoc autem mo-
dis omnibus coram posito , melius quidem est vt
omnes simul adsint eiusdem prouinciaæ sacerdotes ,
quos metropolitanus episcopus aduocare debebit.
Et si quidem omnes occurserint , optime : quod si
difficile fuerit , saltem plures adesse omnino conue-
nit, aut certe scriptis eiusdem sententiæ comproba-
ri: & ita sub plurimorum vel præsentia vel decreto
ordinatio celebretur. Quod si secus contra definita
factum fuerit , nullas ordinatio vires habeat. Si vero
iuxta definitam regulam fiat , & nonnulli pro con-
tentione propria contradicant , obtineat sententia
plurimorum.

XX.

Propter utilitates ecclesiasticas , & absolutiones
earum rerum , quæ dubitationem controuersiam
que recipiunt, optime placuit, vt per singulas quas-
que prouincias bis in anno episcoporum Concilia
celebrentur. Semel quidem post tertiam septimanā
festi paschalis , ita vt in quarta septimana quæ conse-
quitur id est medio pentecostes , conueniat Syno-
dus , metropolitano comprouinciales episcopos ad-
monente. Secunda vero Synodus fiat Idibus Octo-

Concil. Tom. 2.

Oooo ij

bris, id est quintodecimo die mensis Octobris, quem Hyperberetæon Græci nominant. In ipsis autem Conciliis adsint presbyteri & diaconi, & omnes qui se laicos existimant, & Synodi experiantur examen. Nullis vero liceat apud se celebrare Concilia, præter eos quibus metropolitana videntur esse iura commissa.

X X I.

Episcopus ab alia parochia nequaquam migret ad aliam, nec sponte sua prorsus insiliens, nec vi coætus a populis, nec ab episcopis necessitate compulsus: maneat autem in ecclesia quam primitus a Deo sortitus est: nec inde transmigret, secundum pristinum de hac re terminum constitutum.

X X II.

Episcopus alienam ciuitatem, quæ non est illi subiecta, non adeat: nec ad possessionem accedit, quæ ad eum non pertinet super ordinationem cuiusquam: nec constituat presbyteros, aut diaconos alteri subiectos episcopo, nisi forte cum conilio & voluntate regionis episcopi. Si quis autem tale aliquid facere tentauerit, irrita sit eius ordinatio, & ipse coeretur a Synodo. Nam si ordinare non potuerit, nullatenus iudicabit.

X X III.

S. q. t. Epi-
scopo non
licet pro
ficio. Episcopo non licere pro se alterum successorem sibi constituere, licet ad exitum vitæ perueniat. Quod si tale aliquid factum fuerit, irritum esse huiusmodi est constitutum. Seruetur autem ius ecclesiasticum, id continens, oportere non aliter fieri, nisi cum Synodo & iudicio episcorum, qui

MPP.
quem ANNO
autem GRANH.
omnes
ar ex-
ncilia,
esse iu-

migret
vi coa-
com-
imitus
secun-
utum.

est illi
acce-
onem
t dia-
n con-
autem
rdina-
dinare

forem
eniat.
se hu-
us ec-
er fie-
i, qui

IVLIVS
P. I. ANTIOCHENVM. CONSTANTIVS
ANNO CHRISTI 341. CONSTANS } IMP. 661

post obitum quiescentis, potestatem habent eum
qui dignus extiterit promouere.

XXIV.

Quæ sunt ecclesiæ, sub omni solicitudine, & conscientia bona, & fide, quæ in Deum est, qui cuncta considerat iudicatque, seruentur: quæ etiam dispensanda sunt iudicio & potestate pontificis, cui commissus est populus, & animæ quæ in ecclesia congregantur. Manifesta vero sint quæ pertinere videntur ad ecclesiam, cum notitia presbyterorum & diaconorum, qui circa ipsum sunt, ita ut agnoscant, nec ignorent, quæ sint ecclesiæ propria, nec eos aliquid lateat: ut si contigerit episcopum migrare de sæculo, certis existentibus rebus, quæ sunt ecclesiæ, nec ipse collapsæ depereant, nec quæ propria probantur episcopi, sub occasione rerum peruidantur ecclesiæ. Iustum namque & acceptum est coram Deo & hominibus, ut sua episcopus quibus voluerit derelinquat, & quæ ecclesiæ sunt eidem conseruentur ecclesiæ, ut nec ecclesia aliquod patiatur incommodum, nec episcopus sub occasione proscribatur ecclesiæ, & in causas incidentia qui ad eum pertinent, & ipse post obitum maledictionibus ingrauetur.

XXV.

Episcopus ecclesiasticarum rerum habeat potestatem, ad dispensandum erga omnes qui indigent, cum summa reuerentia & timore Dei. Participet autem & ipse, quibus indiget, si tamen indiget, tam in suis, quam in fratrum, qui ab eo suscipiuntur, necessariis vñibus profuturis, ita ut

11. q. 1. Epi-
scopus ec-
clesiastica-
rum rerum.

Oooo iiij

in nullo qualibet occasione fraudentur, iuxta <sup>ANNO CHRISTI
341</sup>
2. Timoth. 6. sanctum Apostolum sic dicentem : *Habentes vi-*
etum & tegumentum, his contenti sumus. Quod
si contentus ipsis minime fuerit, conuertat au-
tem res ecclesiæ in suos usus domesticos, & eius
commoda vel agrorum fructus, non cum presby-
terorum conscientia diaconorumque pertractet,
sed horum potestatem domesticis suis, aut propin-
quis, aut fratribus, filiisque committat, vt per hu-
iusmodi personas occulte ceteræ lèdantur ecclæ-
siæ, Synodo prouinciæ pœnas iste persoluat. Si
autem & aliter accusetur episcopus, aut presbyteri
qui cum ipso sunt, quod ea quæ pertinent ad ecclæ-
siam, vel ex agris, vel ex alia qualibet ecclesiastica
facultate sibi metus usurpent, ita ut ex hoc affligantur
*quidem pauperes, * criminatori vero & blasphe-*
* crimina-
miiis tam sermo prædicationis, quam hi qui dispen-
sant, taliter exponantur, & hos oportet corrigi,
sancta Synodo id quod condecet approbante.
Et subscripterunt triginta † episcopi, qui in eodem
Concilio conuenerunt.

C A N O N E S C O N C I L I I A N T I O C H E N I .

Ex interpretatione Isidori Mercatoris.

T I T U L I C A N O N V M .

- | | |
|-----------------------------------|------------------------------------|
| I. Non licere pascha diuerso tem- | nicatis communicare. |
| pore facere, neque cum Iudeis | III. Non debere clericum ad ecclæ- |
| celebrare. | siam migrantem ibi persuera- |
| II. Non licere communionem ec- | re. |
| clesia contemnere, aut excommu- | IV. Non licere episcopo, vel cui- |

[†] Superiorius
tantum
xxxix. ex-
primuntur,
qui supra
in princi-
pio alterius
translatio-
nis huius
Concili
annotati
funt.